

Alver kommune

Tilsynsavd. v/Eirik Berntsen

INNSPEL I ETTERKANT AV TILSYNET SOM VAR PÅ 99/4 VÅGE TIRSDAG 11.10.22

Vi har eit innspel i etterkant av tirsdagen, og det kan svært godt hende at tilsynet har hatt dei same tankane som oss. Noko som i tillegg gjer det til hastesak, var at det dagen etter ankom to lastebillass med steinmasse til 99/4, av typen «pukk».

For å oppfylle kommunen sitt vedtak: «.....» , lyt det gravast vekk massar i 100 m lengd/2 m breidd/+ så djupt at nivået etter tilbakeføringa til kulturbeite ikkje vert høgare enn nivået i grensa til 99/1 (slik det var før ulovleg oppbygging). I dette 2-meters beltet vil det m.a.o. bli mykje frigjort steinmasse. Som tilsynet såg, vil det heller ikkje vera nok å grave av i kun 2 m breidde for å oppfylle vedtaket om at nivået skal helle **ned** mot godkjent landbruksveg. Her må, for å kunne oppfylle vedtaket, gravast vekk over heile flata fram til landbruksvegen. For berre å få det **plant** frå 2 m-feltet og fram til godkjent landbruksveg må det gravast vekk vesentleg mange kubikk, og endå meir for at nivået også skal helle *nedover*. Nivået må i tillegg så lågt at det gjev plass til jord som trengst til toppdekke for å få eit fungerande markslag slik det var. (Sidan underlaget no er sprengstein, i motsetnad til tidlegare kupert grunnfjell, vil kravet til tjukkelse på jorddekke-laget no vere meir enn dubla i forhold til før, for å oppnå det same.)

Totalt vil det då f.o.m. grenselinja verta frigjort **vesentlege** mengder steinmasse til bruk for 99/4, faktisk fleire tusen kubikk. **Dette må jo heilt logisk skje aller først av alt, for det vil medføre at 99/4 kan unngå å «importere» tilsvarande mengd masse.**

Difor må 99/4 no straks tilbakeføre dette området mellom grensa og godkjent landbruksveg, og frigjere alle desse **betydelege** kubikkmeter steinmasse, dette vil eliminere den pågåande innføringa av stein. (Området mot nord skulle jo dessutan vore tilbakeført innan 15.01.!).

Og så er det vesentleg at jorda som vert tilbakeført i det indre tunet, og i den 2 meter breie grenselinja, er jord som er lagt tilside frå tunet, og som inneheld den stasjonære frøbanken.

Vi ønskjer sterkt at desse tinga vert nedfelt som krav v/tilbakeføringa.

Vi ber også om at det vert stilt konkrete krav til korleis tilbakeføringa i grenselinja skal utførast, og det må vere kontrollerbart. Vi stolar av erfaring *ikkje i det heile* på utførande tiltakshavar sin vilje til å gjere dette lov-messig eller i samsvar med vedtak, og skulle eigentleg ønskje at arbeidet kunne utførast av andre. Ekstern, nøytral kontroll vil i alle høve vere eit minimumskrav.

Dette brevet er for å gjere merksam på dei store mengdene frigjort masse som vert ved tilbakeføringa mellom grenselinja og landbruksveg, og at dette heilt naudsynt må kome i første rekkje.

Med vennleg helsing

Elin og Henry Fanebust